

**Mbete kí njèkungì joo kí
Piyər
ndàngì
Ta-je kí dɔ mbete-tì kí
njèkungì joo kí Piyər ndàngì**

Mɛɛ mbete-tì liə kí dɔsɔy lé, njèkɔwkulə Piyər pa ta kí sɔbi dɔ dow-je kí ndaa-tì kí 'to njékəwnɔ-je al kí 'rɔ kì njékadmɛɛ-je ə 'ra-dé adi d'ingə kò. Mɛɛ mbete-tì kí njèkungì-tì joo kinlé, ɛ pa ta kí sɔbi dɔ dɛ kí 'to njékəwnɔ-je kí mɛɛ kəy-tì kí d'ɔsi ta néndó kí tɔgrɔ-tì kí to néndó lə dow-je lə Kristi Lo kɔr-é kí 3:1 lé, tɔji kí ɛ ndàngì mbete kinlé adi kuti njékadmɛɛ-je kí káre-rè kí ndɔki d'ingə mbete liə kí dɔsɔy ngá kin bè. Ɛ ndàngì mbete adi-dé, kdɔ kadi d'ində-né kəmkaa dɔ rɔ-dé-tì kdɔ dow-je kí njékɔsi ta ta kí tɔgrɔ-tì.

Mɛɛ ɓal-je-tì kí ɓu ɓu nɔ lé, dow-je nɔ ya 'pa ta-je kadi 'gə kí à to Piyər ɓá ndàngì mbete kin al. Ngà titi kí tò-né lo kɔr-é kí 1:1 rəm, titi kí tò-né mɛɛ mbete-tì lo-je-tì kí rangì kí pa ta kí sɔbi dɔ né-je kí ra né kí Piyər ɔ lo-é-tì lé, j'ndigì dɔ-tì kí to ɛ ya ndàngì mbete kin. Ɛ ndàngì mbete kinlé, ta tɔl ta ndɔ-je-tì liə ya tɔgrɔ-tì. Piyər tɔji kí gə ta kí tɔgrɔ-tì ɓá à taa dɔ-ji ta néndó-tì kí ngəm. Lo kɔr-é-tì kí 1 lé, ɛ pa ta kí sɔbi dɔ maji lə gə Lubə, kì gə 'Babe Jeju Kristi. Ɛ pa ta kí sɔbi dɔ Ndil kí aa njay kí ɛ ɓá to njètɛɛ kì dɔ ta lə Lubə kí tò lo ɓɔyɔ-é-tì kadi dow-je. Lo kɔr-é-tì kí 2 lé, ɛ pa ta

osi-né ta njéndó dow-je né-je kí ngòm. Lo kər-é-ti kí 3 lé, ę ulə dingəm meę njéndó mbete-je-ti liə kadi meę-dé ole dɔ ta-ti kí ta lə Lubə pa rəm, Lubə kí ra kullə meę kullə ra-je-ti lə dow-je rəm. Ę idə njéndó mbete-je liə kí 'Babe à ree titi kí un-né mindi-é, ə ulə dingəm meę-dé-ti kadi d'isi pèrèrè kɔɔ ndɔ təl-é.

Tɔji rɔ kə lapiya kí ra

¹ Ma Simɔ Piyər kí ngonnjəkullə rəm, njəkɔwkulə lə Jeju Kristi rəm, b́a m'ndangi mbete kin m'adi-si səi kí ɔwi kə kadmeę kí gati-é n̄a asi-n̄a kí 'lə-ji kə takul né ra kí njururu lə Lubə lə-ji Jeju Kristi kí to Njékaji-ji. ² Kadi ramaji kə lapiya n̄ay sə-si kí dɔ madi-é-ti kí dɔ madi-é-ti kɔɔ gə kí 'gəi Lubə rəm, 'gəi 'Babe lə-ji Jeju kin rəm.

Panjiyə njékadmę-je

Tit 2:11-14; Plp 1:9-11; 3:8-14

³ Tógi Lubə adi-ji né-je lay kí à ra sə-ji dɔ kiskəm-ti rəm, dɔ nam-ti kí j'nami kàdì Lubə-ti ə adi j'gəi njèba-ji kə takul riba liə kí sobi dɔ-é rəm, b́a kə takul meęmaji liə rəm tɔ. ⁴ Beba né-je kí gati-é n̄a kə né-je kí tɔ bəl n̄a kí Lubə un mindi-é kɔɔ kadi-ji lé, ę adi-ji kə takul riba liə rəm, kə takul meęmaji liə rəm. Né-é-je kinlé ę adi-ji bə kɔɔ kadi j'təli-né dow-je kí j'titi-n̄a siə kə takul k̄ay majal kí to kəmnda kí tujɔ dow-je dɔnangi-ti n̄é.

⁵ Gin-é kinlé ya b́a kadi uri-né rɔ-si biri kadi iləi meęmaji dɔ kadmeę-ti lə-si rəm, iləi négə dɔ meęmaji-ti rəm, ⁶ iləi koremeę dɔ négə-ti rəm,

iləi kuwə rəŋə do koremeɣ-ti rəm, iləi kuji kɪ kilə do Lubə-ti do kuwə rəŋə-ti rəm, ⁷ iləi kuwə noji do kilə kuji do Lubə-ti rəm, bə iləi ndignə do kuwə noji-ti rəm tɔ. ⁸ Kdɔtalə kinə né-je kinlé tò rɔ-si-ti ə oji-nə rɔ-si-ti rəmə à ra kadi a rai kullə rəm, kandi-si à tò rəm, meɣ gə-ti kɪ 'gəi 'Babe lə-ji Jeju Kristi rəm tɔ. ⁹ Ngə dow kɪ ɔw kɪ né-je kin rɔ-é-ti al lé, to njəkəmtɔ, kəm-é libri libri-libri rəm, bə meɣ-é oy səl do bɔr-ti kɪ 'bɔr majal-je liə kɪ low kin rəm tɔ. ¹⁰ Gin-é kin bə səi ngankɔ-m-je kɪ njəkadmɣ, uri rɔ-si biri kadi bə kɪ Lubə bə-si, kɪ mbəti kɪ ɛ mbəti-si kinlé, 'rai kullə-é adi idi njiki-njiki. Kinə 'rai bə rəmə, a kusi meɣ majal-ti ndə al. ¹¹ Bə kin bə tarəbi kɔw kɔbɛ-ti kɪ sartagangi kɪ to kɔbɛ lə 'Babe lə-ji rəm, Njəkəji-ji Jeju Kristi lé à tò kɪ tɣ kadi to doo nɔ-si-ti.

Kə gərərə do néndó-je-ti kɪ maji

¹² Gin-é kin bə m'ndigi kole-né meɣ-si do né-je-ti kin kɪ ndɔ-je lay. Ə to né-je kɪ səi 'gəi rəm, bə ta kɪ tɔgrɔ-ti kɪ ngɔsnè kinlé kərə kadi nja-si uwə nangi meɣ-é-ti maji rəm tɔ. ¹³ Kinə m'isi kɪ do-m taá nè bəy lé, m'oo m'adi to tó-é kadi m'ole meɣ-si do-ti kadi isi-né kəm do rɔ-si-ti. ¹⁴ Kdɔ titi kɪ 'Babe lə-ji Jeju Kristi adi-m m'gə-né lé, mə ya kərə m'gə maji kɪ ndɔ kisi-m kɪ do-m taá nəy goji ngə. ¹⁵ Ngə m'a ra né-je kər-kər lay kdɔ kadi lé m'inə-si kərə rəmə meɣ-si ole do néndó-je-ti kinlé. ¹⁶ Kdɔtalə je j'un go tasu-je kɪ kəy ngang-é kər-kər kin bə j'adi-si 'gəi-né tógi, kɪ ree lə 'Babe lə-ji Jeju Kristi lé al. Ngə je j'oo ndógi kɪ ɛ ndógi

toji-né riba liə k̀i kəm-ji. ¹⁷ †Kdotalə Bəbi-é Lubə b́a adi-é riba, k̀i kəsgaji, loki ɛ ḱi to njəriɓa ḱi n̄a lé ya pa panè: Ǝ kinlé to ngon-m ə m'ində-é dan kəm-m-ti rəm, b́a rɔ-m nəl-m dɔ-é-ti n̄a rəm tɔ. ¹⁸ Ndi dow kinlé ba dɔrɔ-ti adi j'oo, loki j'ǎ-né k̀i Jeju dɔ mbal-ti ḱi aa njay. ¹⁹ Ə ta lə njépata-je ḱi ta Lubə-ti ḱi j'gə maji ḱi to ta ḱi tɔgrɔ-ti ḱi səi 'rai maji adi isi indəi mbi-si ooi-né kinlé, to titi lampi ḱi ndógi londul-ti sar kadi lo tijə-né yərərə ə kadi londógi lə Kristi ndógi mɛɛ-si-ti titi ḱi ngòrongi ndógi-né dɔnangi-ti kin bè. ²⁰ Kete n̄ə né-je-ti lay lé, kadi 'gəi ḱi ta ḱi ta Lubə-ti ḱi tò mɛɛ mbete-ti ḱi aa njay kinlé, káre ya kàrè dow à kun kɔ kɔr mɛɛ-é k̀i dɔrɔ-é al. ²¹ Kdotalə ta ḱi ta Lubə-ti tɛɛ k̀i mɛɛndigi lə dow al, ngà to Ndil ḱi aa njay b́a ɔsi dow-je adi 'pa ta ḱi ta Lubə-ti.

2

Njéndó dow-je né-je ḱi ngòm

Jud 3-16; 2Tì 3:1-9

¹ Kete low dan Israyel-je-ti ya kàrè njékəɗta-je ḱi 'ba rɔ-dé njépata-je ḱi ta Lubə-ti d'isi n̄ɔɔ. Gangi-é kin ya njéndó dow-je né-je ḱi ngòm d'a k̀i-né dan-si-ti n̄ɔɔ tɔ. Dɛ d'a ree k̀i néndó-je ḱi ngòm kullə dan néndó-je-ti lə-dé kur-né dow-je wale kadi 'tuji. 'Babe ḱi to njətaa-dé kilə-dé taá lé, mɛɛ néndó-je-ti lə-dé rəmə, 'naji 'panè n'gəi-é al, adi dɛ ya d'a kun tuji ḱi à kubə-dé nangi busi kɔ kilə dɔ-dé-ti. ² Dow-je n̄a ya d'a kun go-dé mɛɛ panjiyə-dé-ti ḱi jugi-jugi ə ta lə-dé ya

† **1:17** 1:17 Mat 17:1-5; Mar 9:2-7; Luk 9:28-35

dow-je d'a pa-né ta kí maji al do ta-ti kí togro-ti. ³ Kəmnda là ra-dé, adi d'a kədi-si kì ta-je kí ta-dé-ti kdo kuso-si kare-kare bè ya. Ngà low nu ya ta kí gangi kí sɔbi do-dé isi njiyə jan-jan nɔɔ rəm, bá tuji isi ngəbi-dé pèrèrè rəm to.

⁴ Kdo malayka-je kí ndoki 'ra majal lé, Lubə inə-dé al, ngà uwə-dé ungi-dé bolebe-ti kí sɔy-é goto lo kí ndul-ti, lo kin bá 'tó-dé titi kdo ngəbi-né ta kí gangi; ⁵ dow-je kí donangi-ti kí low ndoki lé, loki Lubə adi man bəlim ree un njéra né kí tò nɛ takəm-é-ti lé, ɛ inə-dé al bè ya to. Dow-je jinəy joo bá ɛ aji-dé ə Nuwe to kí dan-dé-ti to. Nuwe lé bá to njékilə mbe né ra kí njururu. ⁶ Lubə gangta do bebo Sɔdɔm-ti kì bebo Gɔmɔr-ti, ró-dé kì pər ruki-ruki kadi to né toji kdo njéra né-je kí to nɛ kí mɛɛ ndo-je-ti kí à ree. ⁷ Ngà Lubə aji Loti kí to njéra né kí njururu. Loti lé, kullə kaya lə bokaya-je kinlé adi-é mɛɛkɔ nɔ. ⁸ Njéra né kí njururu kinlé, isi dan-dé-ti nɔɔ ə ndo-je lay ya rɔ-é ati-é kanɔnɔ, kdo ɛ oo né-je kí maji al maji al kì kəm-é rəm, bá ta-é usi mbi-é-ti mbi-é-ti rəm to. ⁹ Né kin toji toki dow-je kí njékilə kuji do 'Babe-ti lé, 'Babe gə kaji-dé ta kɔ-ti, ngà njéra né-je kí njururu al bá à kində-dé kɔji-dé ndo gangta-ti to. ¹⁰ Kí boy nɔ rəmə, to ta lə dɛ kí bo ra né-je kí tò nɛ ra-dé loti-loti, adi 'sangi kadi 'ra né-je kí maji al kí nəl daji rɔ-dé kin ə 'nədi-né tɔgi lə 'Babe.

Dɛ d'oo rɔ-dé kì dow-je kí 'ngay rəm, 'to njékində kàdì-dé-je rəm, adi 'bəl pa ta kí maji

al do njeriba-je-ti* al. ¹¹ Malayka-je kí tógi-dé itə-dé rəm, 'ngə d'itə-dé rəm kin ya kàrè 'gangi ta do njeriba-je-ti kinlé al rəm, bá 'pa ta kí maji al do-dé-ti nò 'Babe-ti al rəm tó. ¹² Dow-je kí njéra né-je kí njururu al kinlé, kuu do-dé oy mburuki tanə kí da-je kí d'ə kdo kadi dow uwə-dé ə tɔl-dé ya par kin bè. Adì né kí də 'gə al kàrè, də 'pa ta kí maji al do-ti rəm. D'a tɔl-dé titi kí dow-je 'tɔl-né da-je kin bè. ¹³ Né ra kí njururu al lə-dé lé ya à to nékugə doji-dé. Nəl-dé nə kadi 'ra kaya kada rəsi takəm dow-je-ti. Dowbé-je kinlé, loki d'isi sə-si ta nékuso-je-ti kí lo ra nəy-je-ti rəmə, 'ra né rɔsɔl-je kì né-je kí tuwə ra al rəm, bá rɔ-dé nəl-dé lo kədi dow-je-ti rəm tó. ¹⁴ Lo koo lə-dé to lo koo kaya ya bè; 'ra majal pi kàrè usi rɔ-dé-ti al rəm, d'ədi dow-je kí kadmeə lə-dé yay; kəmnɔda là ya rusi meə-dé nji-nji; 'to dow-je kí ndɔl tò do-dé-ti. ¹⁵ Loki 'tusi rəbi kí njururu d'inə lé, 'ndəm d'un rəbi kí go Balam-ti kí to ngon lə Bəɔr. Balam† lé nékugə doji kí njururu al bá ɛ ndigi. ¹⁶ Adì 'ndangi-é kdo kaldɔta liə. Kɔ koro kí to da kí lé à pa ta al ya ə pa ta adì ndi-é bá ndi dow ə gangi njəba rɔ-é njəpata kí ta Lubə-ti do kullə mbə-ti liə.

¹⁷ Njéndó dow-je né-je kí ngom kinlé, 'tanə kì kəm kənənə kí man goto-ti kin bè rəm, 'tanə kì kilndi kí yəlbo tində sane kin bè rəm; lo kí ndul ndi-ndi ya bá toki kuwə do-é ngəbi-dé-né.

* **2:10** 2:10 Njeriba-je kinlé dow-je madi 'panə to ndil-je, də kí nə-je 'panə to Malayka-je ə də kí rangi 'panə to ta kí sɔbi do dow-je kí ri-dé ba nə tó. † **2:15** 2:15 Balam to dow kí kete low nɔ bi to dow kí gangi bal-je-ti kí Piyər ndangi-né mbete kin al (Kni 22-24; 31:16).

18 Ta-je kí mee wøy kare ya 'tidə d'adi nga njim rəm, bo né-je kí maji al maji al ya d'ədi-né de kí ngosnè bəy ə 'teɛ ji dow-je-ti kí 'ndəm d'ur wale. 19 De d'un mindi-dé d'adi-dé toki d'a to bə lə né madi al ngá. Rəmə de njépa-é-je lé ya 'to bə-je lə majal. Kdotalə nǎ-nǎ ya to bə lə né kí njəkɔbe dɔ-é-ti. 20 Kdɔ kinə gə kí dow-je 'gə Jeju Kristi kí to 'Babe lə-ji rəm, Njəkaji-ji rəm kin ra adi 'teɛ kɔgi mee né-je-ti kí donangi-ti nè kí tò nɛ takəm Lubə-ti, bá 'təl 'ndəm majal-é-je mbul-mbul gogi rəm, ə d'adi majal ɔ be dɔ-dé-ti rəm lé, kisi-dé kí gogi nè kin təl majal nǎ itə kí kete bəy. 21 Kdotalə, kinə lé 'gə rəbi ra né kí njururu lé al rəmə à tò soti kitə kadi 'gə ya bá 'təl gidi-dé d'adi ndukun kí aa njay kí toki 'ndó-dé. 22 Gosta kí njururu pa ta sɔbi-né dɔ-dé panè: «Bisi təl ɔ tɔmɔ liə ə kɔsongi ndogɔ man ində lo teɛ bə ya kàrè təl ɔw rogi rɔ-é bɔr-ti gogi.»

3

*Ta kí sɔbi dɔ təl ree lə 'Babe Jeju
Mat 24:37-38; 2Te 1:7-10; Jud 17-23*

1 Səi kí m'ində-si dan kəm-m-ti, mbete kí nè kinlé to kí njəkungɔ-ti joo ngá bá m'ndangɔ madi-si tin. Mbete-je kí joo lay kin ya m'pa ta-ti m'ole-né mee-si dɔ né-je-ti madi kadi 'gəi maji yóréró. 2 Bè kdɔ kadi mee-si ole-né dɔ né-je-ti kí ndoki njépata-je kí ta Lubə-ti kí d'aa njay 'pa ta-é kete lé rəm, kadi mee-si ole-né dɔ ndukun-ti lə Njəkaji-ji kí 'to 'Babe kí njəkɔwkulə-je lə-si 'ndó-si kin rəm. 3 †Né kí kadi 'gəi maji ən: Mee

† 3:3 3:3 Jud 1:18

ndo-je-ti kí dóbəy-ti lé, njésoklo-je kí soklo rusi mee-dé nji-nji d'a ree kdo soki dow-je ə panjiyə-dé ow go-na-ti kì kəmnda lə-dé. ⁴ Də d'a soki dow-je panè: «É ó un mindi-é panè n'a təl ree lé, à təl ndo kí rá-ti wa? Kdo low nu kí ka-ji-je d'oy kinlé, né-je lay ya tò gangi-é-ti kí ndoki tò-né low nu lo kində gin né-je-ti kinlé ya bəy.»

⁵ Kdo né-je kí d'oo géróró ya 'ra toki né kí mee-dé oy do-ti bè lé é:n: Ndoki Lubə pa ta ya dora tɛɛ rəm, bá ta kí ta-é-ti lé ya donangi ubə-né dan man-ti mbuɲ ə man ra-é adi umə nati maji rəm to. ⁶ Rəmə gangi-é kin ya to bá donangi kí ndoki kete tuji-né kì kəm rəbi man kí tuú do-é ləti-ləti. ⁷ Ngà ko ta kí káre-rè kinlé ya ində dora kì donangi kí ngosné kin ngangəm ngəbi-né pər, kdo ndo gangta rəm, ndo tuji dow-je kí njékilə kuji do Lubə-ti al rəm.

⁸ Səi kí m'ində-si dan kəm-m-ti, né káre kí kadi mee-si oy do-ti al é:n: Nò 'Babe-ti lé ndo káre toki bal budɔgi bè ə bal budɔgi toki ndo káre bè to. ⁹ Kinə 'Babe un mindi-é kdo ra né lé, à ra ya bi à kilə kisi do-ti mbay titi kí dow-je madi 'gir-né kinlé al. É to njékilə mee-é do madi-é-ti kdo-si; ɛ ndigi kadi dow káre ya kàre oy kɔgi al, ngà ndigi kadi dow-je lay 'tusi panjiyə-dé kí maji al d'inə kɔgi.

¹⁰ †Ndo lə 'Babe à kubə dow-je nangi busi tana kì ree njəbɔgi bè. Mee ndo-é-ti kinlé, ká dora à ba kor lo loy-loy rəmə dora à goto, pər à ró né-je kí titi ə à sane kati-kati, pər à kò donangi kì né-je kí titi lay.

† **3:10** 3:10 Mat 24:43; Luk 12:39; 1Te 5:2; Ntd 16:15

¹¹ Kinə né-je lay kin ya tò kadi tuji tana bè lé, a kadi panjiyè-si kì nam kàdì Lubə-ti lə-si aa njay tana ban bá à kusi lo-é-ti é n wa! ¹² 'Ngəbi ndo lə Lubə ə 'rai kadi ndo kinlé ree kalangi. Ndo-é-ti kinlé, pər à kò dora kdo ró-é ruki-ruki rəm, bá né-je kí titi kàrè à lə lóréré rəm tɔ. ¹³ †Ngà gangi-é kí ɛ un-né mindi-é adi-ji kin ya, jəi j'isi j'ngəbi dora kí sigi kì donangi kí sigi kí né ra kí njururu tò-ti.

Lubə to njèkilə mɛɛ-é do madi-é-ti

¹⁴ Gin-é kin bá səi kí m'ində-si dan kəm-m-ti, kaglo kí j'isi 'ngəbi-né kinlé, 'nduri do ro-si-ti kdo kadi Lubə ree ingə-ji rəmə j'aai njay rəm, ta goto do-ji-ti rəm, j'isi kì lapiya rəm tɔ. ¹⁵ Kadi 'gəi maji kí kilə mɛɛ do madi-é-ti lə 'Babe lə-ji kinlé to kaji lə-si, titi kí ngonkɔ-ji Pol kí j'ində-é dan kəm-ji-ti kàrè ndangi-né mbete adi-si kì gosi-é kí Lubə adi-é kadi ra-né kin ya tɔ. ¹⁶ To ta kin ya tɔ bá Pol pa mɛɛ mbete-je-ti liə lay lo-je-ti kí ɛ pa ta sobi-né do ta-je kinlé ə lo-é-je-ti kinlé ta-je kí lo gə mɛɛ-é ngə tò-ti nɔɔ, adi njégə né al-je kì dow-je kí tógi-dé asi al, d'or mɛɛ ta-é-je lé kì lo-é al, titi kí d'or-né mɛɛ ndəgi ta-je kí mɛɛ mbete-ti kí aa njay kdo tuji lə-dé kin bè tɔ.

¹⁷ Beba səi kí m'ində-si dan kəm-m-ti lé, ta-je kin usi mbi-si-ti kete ngá, é n é ooi go ro-si maji, nè njèkilə kuji do Lubə-ti al, kí 'ndəm kin d'a kì kor-si go-dé-ti kadi 'tusi kə gərərə lə-si inəi kəgi. ¹⁸ Ngà kadi owi kí kete-kete mɛɛ ramaji-ti kì mɛɛ gə 'Babe-ti lə-ji kí to Njékaji-ji Jeju Kristi. Kadi

† 3:13 3:13 Ntd 21:1

riḃa tò ki liə kí ngɔsnè-ti kin rəm, ḃá sartangani
rəm tɔ! Amən!

Ta lə Lubə Kunmindí kí Sigi
Mango: Ta lə Lubə Kunmindí kí Sigi (New
Testament)

copyright © 2019 Wycliffe Bible Translators, Inc.

Language: (Mango)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

96bdbd07-24d6-556c-9e7c-7269c72880cd